

Ajita, Mistura y Poi Pontinho

Uza Tinta ku Mon Pikinóti

Pinta é kriativu y pode ser rilaxanti pa kriansas. Tanbe el ta kria kontrolu mutor finu y kordenason. Alguns adultu ka gosta di pinta na kaza pamódi kau pode fika suju. Má, ten manera di kontrola kel-la si nu uza sô un poku di tinta ô si nu pinta na rua.

Atenson: Kes matrial ki sta sublinhadu bu ta atxá-s na bu kit. Kes matrial en itáliku bu pode tenê-s na kaza ô bu pode uza un kuza semelhanti.

Dikas di Feraméntas

Da-l poku tinta y águ pa ka lansa txeu. Si nhos sta ta trabadja déntu kaza, kubri kel ária ku jornal ô ku un tuadja di méza bédju. Sertifika ma tinta é kes ki ta laba y ka tóksiku. Kotoneti ka debe nunka podu na odju, obidu ô naris.




Kel Báziku

Djuda bu fidju prende uza un pinsel. Mésmu ki ka é se primérubês, el pode meste pa lenbra-l.

- Mostra-l maneras diferentes di pega pinsel.
- Spreme pinsel na papel pode kria fórmas interesanti. Má, tanbe pode kauza frustrason si papel ratxa ô si serda di pinsel fika murxu.
- Insertiva-l a xágua y seka se pinsel sénpri ki meste.

Kuzas pa Sprimenta ku Kriansas entri 2 y 3 Anu

• **Faze markas.** Da bu fidju un kor di tinta nun kópu di plástiku. Insertiva-l a sprimenta pinsel, un kotoneti, y ti mésmu un dédu. El pode faze pontinhos, linhas y fórmas na se papel.



• **Mistura kor.** Da bu fidju dos ô três kor di tinta. Insertiva-l pa el mistura un bokadinhu di dos ô más kor na papel. El pode poi más ô ménus di kada kor pa odja kuzê ki ta kontise.

• **Pinta ku águ.** Faze kel-li na rua, riba di paseiu. Da bu fidju un pinsel y un bokadinhu di águ. Insertiva-l pa el pinta na kalsada ô nun pédra. Tra fótou pa djuda-l lenbra kuzê ki el faze.



Más! →

Kuzas pa Sprimenta ku Kriansas entri 3 y 5 Anu

• **Txeu manera differenti.** Konvida bu fidju pa uza kotoneti pa kria pintura di pontinhos. Ô splora maneras di uza sô pónta di pinsel pa faze linhas más finu y linhas más grós. Si nhos sta pinta na rua ku águ, nhos sprimenta uza pinsel pa faze un pintura di rispingu.



• **Trasa y kôpia.** Djuda bu fidju dizenha alguns fórmá, létra ô número prifiridu ku un lápis na papel. Konvida-l pa el trasa riba kes linha ô kôpia kes linha ku kotoneti y tinta. Dipos ki tinta dja seka, isentiva-l a pratika ses abilidadi ku tizora pa korta kes fórmá ô létra.

• **Konta stória ku tinta.** Si bu fidju sta faze un pintura, konversa ku el sobri kes fórmá y kor na se papel. Enkuantu el sta trabadja, ivita dibinha kuzê ki el sta pinta. Óra ki el tirmina, pidi bu fidju pa flá-bu kuzê ki sta kontise na kel pintura, pa bu pode djuda-l skrebe-l.

Bónus!

Atividadi di Korpu Interu. Poi un música y konvida bu fidju pa pinta di akordu ku kel música. Si bu xinti avontadi, isentiva bu fidju pa fika sakédu enkuantu el sta pinta. Muda tipu di música y faze un nóvu pintura. Odja módi ki tipu di música ta muda kuzê y módi ki el ta pinta! Dipos ki nhos linpa tinta, nhos obi kel mésmu música y nhos badja. Kel badju ta lenbra nhos di kes pintura?

Kuzas pa Fla

“N sta odja un linha azul y dos sírkulu burmedju.”

Enkuantu bu sta obzerva bu fidju ta pinta, fla-l kuzê ki bu sta odja. Ka bu tenta dibinha kuzê ki bu fidju sta pinta.

“Kuzê ki bu pode fla-m sobri bu pintura?”

Txeu kriansa ta fika animadu pa fala sobri ses trabadju enkuantu es sta pinta ô óra ki es tirmina. Konvida-l pa el diskreve se pintura.

“Módi ki bu xinti kandu bu sta pintaba es pintura?”

Pinta é un spiriénsia pisual y kriativu. Kriansas pode gosta di konpartilha ses sentiméntu rilasionadu ku pinta. Bu pode prende algun kuza nóvu sobri bu fidju óra ki el pinta.